

84.5Каз
629 ч

Серіе сері
(Мұхаммед-Қанағай)
Ванранұлы

Мактапалы
шығармалары




*Сегіз сері (Мұхаммед-Канафия)
Баһрамұлы*

Таңдамалы шығармалары

Екі томдық

.....
Бірінші том

(Өлеңдері мен толғаулары)



Петропавл, 2003.

ББК 83.3 Каз
30-Б

84,5көз
629

Бас редактор:

Аманжол Құзембайұлы тарих ғылымдарының докторы,
профессор.

Редакция алқасы:

Қ. Есімханов (Солтүстік Қазақстан облысы өкімінің орынбасары), Қ. Омаров, Қ. Бигожин, Б. Мұстафин (жазушы),
Ғ. Қадірәлі, Қ. Мұқанов, С. Жұмабаев, А. Бисарин.

Пікір жазған:

Тұрсынбек Қекішев филология ғылымының докторы, профессор.

Алғы сөзін жазған:

Қосыл Омаров: Солтүстік Қазақстан облыстық «Қазақ тілі»
қоғамының төрағасы.

Шығармаларын баспаға дайындаған, түсініктеме жазған:

Социал Жұмабаев.

30-Б Серіз сері (Мұхаммед-Қанафия) Баһрамұлы. Таңдамалы шығармалары. Солтүстік Қазақстан заң академиясы – 2003, 332 б.

Қазактың атақты біртуар ақыны Серіз сері (Мұхаммед – Қанафия) Баһрамұлының шығармалар жинағы тұнғыш рет окушы қауымға ұсынылып отыр. Кітапқа кірмей қалған өлең-жырларды да барышылық. Сондықтан бұл екі томдық басылымды шығармаларының толық жинағы деп қабылдауға болмайды.

Бірінші томға ақынның өлеңдері мен толғаулары енгізілді.


36339

012

ISBN 9965-648-04-02

© Солтүстік Қазақстан заң академиясы

© Редакциялық-баспа орталығы



Атасы Серілердің Сегіз сері

Кылышпын қынабынан алынбаған,
Алтынмын таразыға салынбаған.
Ашамайлы Керейдің ер ұлымын,
Бейне бір жаңған өрттей жалындаған.

Сегіз сері.

Қараңғы қазақ көгіне өрмелеп шығып күн болған, жарық жүлдізы болып халқына жол көрсеткен асылдарымыз әр кезде болған ғой. Бірақ тоталитарлық билеу кезінде, адымымызды Москвага қарап аттайтын жағдайда копишилігінің атын атап мақтай да алмадық, мақтана да алмадық. Енді, бұлт ыдырап, қазақ елінің күні туып, төуелсіздігіміздің таңы атқан кезде ұлымарымызды ұлықтауга жаппай кірісүіміз занды. Қазақ халқына еңбегі сіңген хан мен сұлтандарымыздың, би мен батырларымыздың, ақын жырауларымыздың біразына ескерткіш орнатып, шығармаларын бастырып, мерей тойларын өткізіп, дүға оқытып жатырмыз. Бұл біздің үрпақтың адамдық парызы. Міне, осындей иғілікті істің үстінде бүйректен сирақ шығарып, өлі аруақтар мен алысуды көсіп қылған «оқымыстылар» пайда болды. Бұл бізге, қазақтарға тән. Басқа ел-жүрттар жоқтың өзін бардай, барды зордай қыламыз деп жанталасып жатса, біз барымызды жоқ қылуға өуреленеміз. Оған дәлел, Сегіз Сері (Мұхамедқанапия) тоңдеріндегі екі-үш жылдан бері толастамай келе жатқан аброй-сыз айтыс.

Бірақ, оқушы қауым, сіздердің назарларыңызга үсініліп отырған бұл кітаптің мақсаты айтыс емес, тұа біткен таланты мен асқан дарындылығы арқасында бір жарым ғасыр бойы қазақ халқын ән мен жырға бөлеп келе жатқан сал-серілердің атасы Сегіз Серінің талас тудырмайтын шығармалары мен өмірбаянышан мағлұмат беру.

Сегіз Сері Баһрамұлы Шақшақов 1818 жылы Солтүстік Қазақстан облысының Жамбыл ауданында Гүлтобе-Маманай деңген жерде туған (Бүгінгі Майбалық-Жекекөл ауылдарының ара-

сында). Руы керей, керей ішінде Көшебе. Белді атанаң үрпағы. Үш жұзге атағы шыққан Толыбай сыншының 24 баласы болады. Ең кенжесі Қожаберген жырау (әйгілі «Елім-айдың» авторы, 1690-1712 ж. Қазақ қолының ордабасы). Ал, сыншының 8-ші баласы-Қарабас тархан. Одан жеті бала туған, үлкені-Асқап. Асқаптың екі баласының үлкені-Көшек, Көшектен 12 бала болған-сегізінші Шақшақ, Сегіз Серінің атасы (Бұл үзінді Сегіз Сері шежіресінен алынды). Сегіз Сері 8 жасқа келгенде шешесі Жамал қайтыс болады. Оның қырқы өтісімен әкесі Баһрам дүние салады. Бұл 1826 жылы-ит жылы болатын. Сегіз атасы Шақшақ пен әкесінің інісі Жанат серінің тәрбисінде болады.

Сегіз Сері жастайынан өнерге үйір, білімге құштар, зирек болады. Атасы-Шақшақ қазақша-орысша оқуға береді. Ақын ес біле, ауылда Мөңке, Бегім молладан хадимше қат таниды. Содан кейін келешекті әріден болжайтын, көзі ашық Шақшақ би немесінің орысша білім алғанын қалайды. Татар арасында патша үкіметінен бой тасалап жүрген Иван Михайлович Прохоров деген сауатты азаматты елге әкеліп отыз шақты баланы, ішінде Сегіз де бар, орысша оқытады. Сегіз осы Прохоровтан оқығанын есейген соң еске алып, бір өлеңінде:

«Орысша білім ал деп атам Шақшақ,
Оқытты 4 жылдай ұстаз жалдап» - дегендегі
ұстазы осы Иван Михайлович.

Одан кейін Болатынай, Қызылжар медреселерінде оқып білімін терендістеді. Қызылжар медресесінде оқып жүргенде ақын-сері орыс тілінен басқа араб, парсы-шағатай, көне түрік тілдерін менгереді, шығыс әдебиеті классиктерінің шығармаларымен танысады.

Сегіз Серінің ақындыққа, әншілікке баулыған осы медресе ұстаздары Иманғабит сері мен өз ағасы Қөрпеш еді. Бұл екеуі де Бұхараның жоғары дәрежелі медресесін бітірген заманында ғұлама ғалым, екеуі де ақын, әнші болған азаматтар екен.

Немесінен көп үміт күткен атасы Шақшақ Сегізді Омбы қаласындағы әскери училищеге окуға береді. Училищені бітіріп, кіші офицерлік мамандық алған Сегізді патша әкімдері жазалаушы отрядка жолдама береді. Бірақ патшаның отаршылдық саясатына қарсы болған Сегіз отрядқа барудан бас тартады. Қаша

согысып, кіші жүз асып кетеді. Бұл туралы белгілі ақын Нұржан Наушабаев «Сегіз сері» атты дастанында:

Омбыға білім іздел Сегіз барған,
Фылымды менгеруге талаптанған.
Алты жыл әпесерлік оқу оқып,
Оны да дер кезінде тамамдаған.

Қолбашылық оқуды бітіргенмен,
Патшаның қызметін атқармаған.
Әпесер патша ағзамға болмаған соң,
Жандарал Ер Сегізді қудалаған, -деп жазады.

Рас, оның училищеде оқығандығы туралы құжат Омбы архивінде жоқ. Сегіз Сері туралы ғана емес, сол жылдардың құжаттары 1840 жылғы екі бірдей апарттан аман қалмаган. Бірінде, қалың өртке ұшыраса, екінші жолы су тасқыны қөптеген архив бүмаларын құртып жіберген.

«Горчаковке!», «Патша әкімдеріне», «Қыз сипаты», т.б. шығармаларында, дастанында губернатор қудалады дегені шындық. Өйткені, Петр Дмитриевич Горчаковтың 1836 қантар айында Батыс Сібір генерал-губернаторы болып тағайындалғаны, 1937 жылы губернияның орталығын Омбы қаласына қөшіргені, оның башқұрт халқының және Кенесары Қасымов бастиған ұлтазаттық көтерілісін басуға отряд жібергені тарихи шындық.

Ал, Сегіз серінің жазалаушы отрядқа бармай, құғынға ұшырауын, ақын өзінің шығармаларында тәптіштеп-ақ жазады. Мысалы «Горчаковқа» деген өлеңінде:

Сен айтты деп Горчаков,
Халқымды мен жылатпап...
Бар айыбым Горчаков,
Тілінді сенің алмадым.
Жазалаушы әскерге,
Сардар болып қалмадым,-дейді.

Патша үкіметінің отаршылық саясатына қарсы болып, озбырлық істеріне қатысадан бас тартқаны үшін қудалауға түсken сері губернатордың жендеттері мен қаша соғысып, кіші жүз асып кетуін «Қыз сипаты» дастанында баяндаған.

Ұлықтың егескен соң зорыменен,
Салдаттың соғыспақ боп тобыменен.
Қоштастым аттанарда өлең арнап,
Алты жыл білім алған Омбыменен...
Қадірлі Сарыарқадан таппай тұрақ
Қоштасып туған жерден кеттік жырақ.
Жағалбайлы, жаппасқа аялдамай,
Ырғызға бет түзедік жылдамырак.

«Қызы сипаты»

Өз елінде патша үкіметінен қудалау қөрген Сегіз Серінің Кіші жүздің ысық елінің батыры Қалдыбай аулына келуі, оның жалғыз қызы Файни сұлуға ғашық болуы, қыздың қайғылы қазасы жоғарыда айтылған «Қызы сипаты» поэмасында бар. Ақын - сазгердің халық арасына кең тараған Файни әнінің де дүниеге келуі осы уақиғаға байланысты.

Кіші жүздің табын елдеріне барғанын, Көтібар, Арыстан батыр ауылдарында мейман болғанын да осы «Қызы сипатында» баяндайды.

Ақынның неге кіші жүзге бет алды, онғустікке неге кетпеген?-деп сұрақ қоятындар да бар. Оның себебі біреу-Сегіздің атасы Шақшақтың шешесі Ақбота Сырым Дағұлының туған апасы. Сарыарқадан сая таппай сендеңген саяқтай Серінің кіші жүз түгіл, кавказ төңірегін аралап, Иран, Афганистан елдеріне баратаны да осы жылдар. Бір таңқаларлығы ақын қай елге барғанын, кімдермен кездескенін, өзі күә болған уақиғалардың бәрін үқыпты тарихшыдай өлеңдеріне арқау еткен. Сегіздің өлең өндөрі өзінің ғана емес, өзі өмір сүрген заманның тарихы. Сегіз серінің Кіші жүз елінде Исатай, Махамбеттермен кездесуі ақын өміріндегі үлкен тарихи уақиға болды. Ақынның патша үкіметіне деген наразылығы артып, Исатай-Махамбет көтерілісін барынша қолдағанын, тілекtes адамдарының бірі болғанын өзінің өлеңдерінде де ашық айтады:

Дәм-тұзын қазағымның жүрмін ақтап,
Исатай, Махамбеттің ісін жақтап.

Сегіз сері Исатай-Махамбет көтерілісі жайлы «Исатай-Махамбет», «Ер Исатай» атты дастандарын, Исатайға, Махамбетке арнаған жоқтау өлеңдерін жазған.

Орта жүздің беделді би, бектерінің араласуымен тек төрт жылдан кейін, 1838 жылы Батыс Сібір генерал-губернаторы Сегіз Серіге кешірімділік жасайды, ақын елге оралады.

Еліне келісімен тұбі Бағаналы Найман, Елғұн деген байдың қызы Үрысбике сұлуға үйленеді. Бақытты отбасынан 7 үрпақ өрбіген. Олар: Мұстафа, Мұсабек, Мұсайын, Мұсажан, Мұсахан, Мұсағұл, Есболған деген ұлдары және Бибізада деген қызы болған.

Сегіз Сері Шақшақов 1854 жылы Дос көлінің маңындағы жайлауда қайтыс болады.

Ақын-сазгердің Сегіз сері атануының да сыры бар, «Ол сегіз қырлы, бір сырлы» өнер иесі болған. Біріншіден, туған елінің тағдыры мен болашағына қара бастың қамы мен мұддесін жығып бергені үшін патша үкіметінен қудалау көрген ұлтжанды азамат. Қалған өнерлері де біртебе; жауырыны жерге тимеген балуан, құйысқаны қанды аңшы, құралайды көзге атқан мерген, бармағынан бал тамған шебер, зергерлігі тағы бар. Домбранны, қобызды сарнатқан күйші, аспандағы аққумен үн қосқан эниші, өлеңнен өрнек тоқыған арқалы ақын. Оның нәзік махабbat лирикасы, өміршіл кең тынысты этикалық дастан-жырлары ауыз әдебисті онша дами қоймаған, жазу, сызуы кемдеу қазақ даласының түкпір - түкпіріне ауызша тарап кеткен. Оны өзі де білген, басқалар да айтқан. Мысалы, өзі:

Эйгілі болды жүртқа өнеріміз,
Артын түр жас болсақ та беделіміз.
Жанкүйер дос-жаарандар көп болған соң,
Жайылды елден-елге өнеріміз-десе,

Шәкірттерінің бірі Дәндібайұлы Жаманқұл ақын:

Елу бес өнін Сегіздің,
Елге өзім тараттым.
Жырларынан нәр алып,
Пайдаға ылғи жараттым.

Қырық бес күйін Сегіздің,
Тартып бердім әр жерде.
Қырық қиссасын серінің,
Әнмен айттым әр елде.
Тарап кетті халқына,
Жұзден аса дастаны.

Қаншама бай қазына!? Әрине, әсірелеу де бар шығар, сонда да қазір бүкіл Қазақстанның түкпір -түкпірінен өткен ғасырдың орта кезінен бері жинаған дүниелердің өзі қаншама.

Сегіз сері алдымен -лирик ақын. Тек қана өнін де өзі шығарған махаббат тақырыбына арналған өлеңдері отыздан асады, оның ішінде : «Гауһар тас», «Қарғаш», «Ақбұлак», «Әйкен-ай», «Қаракөз», «Файни», «Назқоңыр», «Жылъыой», т.б. Алланың берген зор таланттың қызғанған біреулер Сегіз серін Дон - Жуан ба, журген жерінде қыздарға ғашық бола береді деген уәжді алға тартады. Өзі сал-сері болса, сұрып салма ақын, жездандай өнші болса, жақсыны көрмек үшін дегендей сұлу қызы, көркем келіншектерді көргенде неге бұғып қалады. Шабытты сезім оятады, ақын нәзік жанды өте сезімтал келеді. Сондықтан сирек кездесетін сұлулықты, әдемілікті асыл, нәзік сөздермен өрнектеп, әдемі, сазды әнмен түйіндесе несі айып. Сегіз сері сол сұлулардың бәрімен төсектес болды ма деген арам ойдан аулақ болған жөн.

Біз жоғарыда Сегіз серінің азаматтығы туралы айтып кеткен едік. Шындығында, ақын көп өлеңдерінде, дастандарында, толғауларында туған еліне, Отанына деген ыстық сезімін білдіріп отырады. «Қашқын келбеті», «Қызы сипаты» дастандарында, «Жорықта», «Туған ел», т.б. өлең-термелерінде.

Елінді сүюмен бірге халқыңа адал қызмет қыл, ел шетіне жау келсе, ата салтымен атқа мін, Отанынды қорға деп ерлікке шақыратын өлең жолдары көп кездеседі:

Халқына азап көрсеткен,
Жауға аттанбай ер болмас.
Ат қойып қарсы дүшпанға,
Қамалға шаппау жөн болмас.

«Ай жарығы таң болмас»

Ақын елді, жастарды ерлікке ғана емес, ынтымақтастыққа, бірлікке шақырады.

Бөлінбе қазақ жік-жікке,
Бөлінсөң қазақ жік-жікке
Шіл bogындай бытырап,
Шыға алмассың биікке.
Не жетсін жүртый бірлікке
Мән берген жөн ерлікке
Өнер қуып кәсіп ет,
Салына бермей ерлікке

«Бірлік, өнер, кәсіп»

Мысалы: «Тұған еліме» деген өлеңінде:

...Тұған ел ыстық болдың мұнша неге,
Білмеймін осылай ма әр пендеге.
Ойымнаң жатсам тұрсам бір кетпейсін,
Көңіліме қағылыпсың болып шеге.

Ал, Сегіздің бүгінгі күні тапшы болып бара жатқан адамгершілік, имандылық қасиеттерімізді насихаттау, жастарға ақыл-кенес беру мақсатында жазылған шығармалары да аз емес. «Не пайда?» деген толғауында:

Жауынгер жігіт сол болар,
Қамалдан тізгін тартпаса.
Талапты жігіт сол болар,
Міндетін елге артпаса.
Адал жанның белгісі,
Сыртқа сырды шашпаса.
Сабырлы жанның белгісі,
Шарадан асып таспаса.

«Не пайда?»

Иілмей тас болғаннан сынған артық,
Басыңа пәле келсе тынған артық.
Мінгенше жамандар мен алтын таққа,
Ерлермен бірге түскен зындан артық.

«Нақыл сөздері»

Сегіз Серінің өмірі мен шығармашылығы терең зерттелді деп айта алмаймыз. Дегенмен, ол жайында оң пікір айтушылар: Фабит Мұсірепов («Ұлпан» повесінде, Қойын дәптерінде), Әлкей Марғұлан («Әнді ертеп, күйді мінген кеменгерлер»), Тұрсынбек Кекішев, Мырзабек Дүйсенов, М.Жармұхаммедов тағы басқа әдебиетші-ғалымдар, әдебиет зерттеушілері екі жүздей зерттеу мақалаларын жазды. Сонымен қатар, Сегіз сері туралы арнайы екі әдеби зерттеу еңбегі жарық көрді (Т.Сүлейменов. «Сегіз сері», «Өнер» баспасы – 1991 жыл; Н.Әбуталиев «Сегіз сері», «Жалын» баспасы – 1991 жыл).

Бұның барлығы үлкен игілікті істің бет ашары ғана, Сегіздің шығармалары, әсіресе дастан, қиссалары арнайы зерттеуді қажет етеді.

Заманымыздың заңғар жазушысы Фабит Мұсіреповтың «Ұлпанында» мынандай жолдар бар: «Ақын Шәрке сал, Соқыр Тоғжан ақын, Нияз сері, Сапарғали ақын тағы 3-4 жаңа перілер. Бәрі де атақтының атақтысы Сегіз сері ақынның мұрагерлері. Бұл елде «Қозы Көрпеш-Баян Сұлу», «Қызы Жібек», «Ер Тарғын» жырларын Сегіз серінің деп санайды. Сегіз сері өз жанынан шығарған ба, ол арасы дүдәмал. Ал «Қарғаш», «Гауһар тас», «Әйкен-ай» әндерін Сегіз сері шығарғанын тіпті дауға салмайды, түгел мойындал қойған. (F.Мұсірепов, «Ұлпан», 1975 ж. 164 бет). Сегіз сері болған ба, болмаған адам ба деп күдіктенүүшілерге енді қандай дәлел керек. 1500 жылдығын өткен жылы атап откен «Қозы Көрпеш-Баян Сұлу» поэмасының бір нұсқасын Сегіз сері жазғанына тіпті де дау жоқ. «Қазақтікі» деген «Қозы Көрпеш-Баян Сұлу» жырының 20 шакты нұсқасы болғанын «Қазақ қауымы» деген еңбегінде Сәбит Мұқанов та жазған (С.Мұқанов, «Қазақ қауымы», 1995 ж. 148 бет).

Сегіз серінің тарихи тұлға екенін, аса дарынды әнші екенін куәләндіратын оның талантты шәкірттері. Сегіз қайтыс болғанда 40 ақын қайғырып, қоштасу өлең жырларын арнаған екен.

Оның ішінде халқын өнгө бөлеген Біржан сал, Ақан сері, Жаяу Мұса, Нұржан Наушабаев, Шәже, Орынбай, Арыстанбай, т.б. ақын, сал-серілер бар. Атақты Біржан Сал:

«Жалғанда мұратына кімдер жеткен,
Көп жақсы менен бұрын талайы өткен.

Адамның асылдары сондай болар,
Дүниеден Сегіз сері, Нияз да өткен.
Үстазым Сегіз сері, Нияз Сері,
Олардан үлгі алған мен Біржан Сері»-деп жазса,

(Біржан сал «Теміртас»)

Нұржан Наушабаев: «Сегіз сері» атты дастанында:

Үрпаққа жақсы дәстүр бастап кеткен,
Артына өшпес жырлар тастан кеткен.
Үш жүзге батырылқпен аты әйгілі,
Керейде Сегіз сері болып өткен-деп жазған.

Сегіз Серінің сазгерлігі, өншілігі, күйшілігі туралы әңгіме болек. Әндері сұрыпталып, ногаға түсіп, жеке кітапша түрінде басылып шықса, құба құп.

Оқушы қауым, жүртшылықты мазалайтын тағы бір сауалға тоқтала кеткенді жөн көрдік. Қазақша, орысша сауаты мол Сегіз сері бабамыз өлеңдерін ауызша ғана айтЫП, жазба түрінде қалдырмаған ба деп сұрақ қоятындар бар. Біздің пікірімізше, ішінде өнерлі жастардың тобы-акыны да, өншісі де, балуаны да, үлттық спорт шеберлері де, өзілкештері де бар сал-серілер ауыл ауылды аралап, елге оз өнерлерін көрсетіп, әнге бөлең жүргенде шығармаларын жазып отыруға жағдай іздемесе керек. Дегенмен, Сегіз серінің артында қағазға түскен мол дүниесі қалғанын кене көз қариялардан естігеніміз бар.

Тіпті бертін, 1998 жылы Сегіздің мұрасын зерттеп жүрген 5-6 адамнан құралған топ Жамбыл, Тимирязев ауданын ара-лағанымыз бар. Сонда, Айымжан ауылында Сегіз серінің торғынші үрлағы Шайхули ақсақалмен кездескен болатынбыз.

Ол кісінің айтуы бойынша Сегіздің қолжазба еңбектері, қобызы, домbrasына дейін 1917 жылғы қазан төңкерісіне дейін сол Қабан үйінде сақталыпты. 1922 жылы сөүір айында қызылдарға ат бердің деп ақтар ауылды өрттеген екен. Үймен бірге үш сәби: Мендікожа, Мендіхан, Мендібай да, Сегіздің қолжазбасы мен ән-күй аспаптары да бірге өртеніп кеткен көрінеді. Бұл қайғылы уақиғаны ауылдың ақсақалдары қазір де айтып отырады.

Сонымен қазақ даласында бай мұраларымыз, асыл қазналарымызды сақтаудың бірден бір сенімді ауыз екі түрі ғой. Осыны ескеріп, облыс әкімшілігінің қолдауымен ел-елден, жер-жерден өлеңге құштар, өнерге үйір деген адамдардың жүргегінде жатталып, жадында сақталып қалған Серіз сері (Мұхамед-қанафия) Шақшақовтың шығармаларын тірнектеп жинай баста-дық. Ұлттық Ғылым Академиясындағы (М.Әуезов атындағы әдебиет институтында) қорда сақтаулы материалдармен салыстырып, Серіздің талассыз өзінікі деген дүниелерді сұрыптал, түсініктеме жазып халыққа ұсынып отырмыз. Серіз серінің бүл екі томдық шығармалар жинағы-бітеп қалған бір бұлактың көзі ашылғандай, ұлттық рухымызды биіктетуге қызмет етер деген үміттеміз.

Сусындандар, ағайын!

Қосыл Омаров

Бей, бей Гаунар мас



ҚАЙРАН ЖАСТЫҚ

Қызының шыдатпайды-ау, қайран жастық,
Арқанда әр шаруаға араластық.
Омбының шаһарында оку оқып,
Көпестің үлдарымен жағаластық.

Омбы өзен терістігінде бай ауылда,
Бір қызды көрмек болып қадам бастым.
Үйіне Ахметқали бармақшы боп,
Сөнденіп ерте тұрып жанталастым.

Орысша оку оқып жүрген шағым,
Жасымнан ұнатушы ем істің ағын.
Басымнан аударма деп тілеуші едім,
Өзіме бір Алланың берген бағын.

Ақындық жолға түсіп жүрген кезім,
Еркесі кіші әкемнің жалғызы өзім.
Атанып бала балуан, әниші Сегіз,
Болғаның жаратушы ем істің тезін.

Мінгізген ағатайым көк арғымақ,
Сол атпен Омбы өзеннен өттім жалдап.
Қазақтанған татардың ерке қызы,
Жолықса деп келемін құдай оңдал.

Таныс үйге апарып атты байлап,
Тоғайға барайын деп шықтым жайлап.
Белбеуімде қыналты болат қанжар,
Сондік үшін әдейі ілгем сайлап.

Тоғайға тұнде түскен қалың тұман,
Ертемен қызды ауылға келдім жылдам.
Жамылып қара шапан біреу шықты,
Боз үйден оң қолына ұстап құман.

Тілдесіп кім болса да қалайын деп,
Қыз болса ыңғайға бір алайын деп.
Қасына тез-тез басып жетіп келдім,
Кездесер осы шығар қолайың деп.

Қарасам келбетіне көркем екен,
Өзімнің іздеп келген еркем екен.
Сол жерде сәлемдесіп қол алыстық,
Сұрап ем жасы он бескес келген екен.

Жас бикеш тоғай жаққа журді еріп,
Сейледі маған қарап, қасын керіп.
Омбының базарында сыртыңыздан,
Деді ол сізді үш рет қалдым көріп.

Әнші жоқ бұл Омбыда сізден артық,
Отырдың хан базарда сырнай тартып.
Күйінмен, жырыңмен де барша көпті,
Қойдың ғой соңғы кезде таңырқатып.

Болашақ мынау үлкен ақын ғой деп,
Әкем де разы болды бек шаттанып.
Отырдың кей уақытта қозғалақтап,
Қырандай үшатұғын қанат қағып.

Үш рет сізді қөріп қалдым ойға,
Бұл ақын кездескей деп жиын-тойда.
Көргенде жаңа тағы нүр жүзінді
Қалмағы сабыр тағат біздің бойда.

Әкеміз Ахметқали мырза кісі,
Егін сап, мал өсіру оның ісі.
Өзімнің Мұқарама болады атым,
Мұкаш деп атап кеткен үлкен-кіші.

Ей, құрбым, бір айналып үйге келиші,
Ел тұрсын боз ордаға кіріп көрші.
Таңертең жолықпаған кісідей боп,
Әкеммен қоса өзіме сәлем берші?!

Үш күнде бір жолығып тұрайықшы,
Тоғайда әңгіме-дүкен құрайықшы.
Біздерді ғұмырлық қып қосқайсыз деп,
Алладан тілек тілеп сұрайықшы.

Деді де кетпек болды қыз үйіне,
Білектен ұстай алдым мен киліге.
Мақтадың мені неге сонша қатты,
Деп оған сауал қойдым тез шүйіле.

Қыз айтты мақтағанға күйінбеніз,
Бұл бикеш алдап түр деп шүйілмеңіз.
Онан да маған арнап, бір ән шығар,
Шынымен ғашық болып сүйінсеңіз.

Гөзелдің түр-тұлғасын көрдім барлап,
Қобыз ап алды-артымды түрдым андап.
Ат қойып алғашқы әнге “Назқоңыр” деп,
Шығардым Мұқарама құрбыма арнап.

Әніме разы боп айтты рахмет,
Кездесу жақсы қызben бір ғанибет.
Түске таяу оралып ауылымама,
Әкеме сәлем беріп, мейман бол деп.

Соны ескертіп, үйіне гөзел кетті,
Жүрекке салып алғаш ғашық өртті.
Түс болмай жолыгуды дұрыс көріп,
Менен де сол арада сабыр кетті.

Көнілге ғашықтықтан түсіп қаяу,
Ауылға қайта оралдым түске таяу.
Таныс үйден атымды мінбей шыққам,
Сол себеп қыз үйіне келдім жаяу.

Ордаға рұқсат сұрап кіріп келдім,
Тәрдегі жасы үлкенге сәлем бердім.
Қолдасып барлығымен амандасып,
Бикешті жас өспірім қайта көрдім.

Сәлемді үй иссі қабыл алды,
Қыз тұрып, төрге әкеп сырмақ салды.
Сол жерде жөн сұрасып үлкен кісі,
Менің де мән-жайыма әбден қанды.

3639

Сен бала қатарында гүлсің деді,
Болашақ түйе балуан ерсің деді.
Домбыра ап, әнгө басшы бір азырақ,
Ауылым өнерінді көрсін деді.

Мен сонда ән шырқадым, күй де тартып,
Ауылы тамашаға қалды-ау батып.
Шығардым өлең-жырды алуан-алуан,
Үйінде Ахметқали қона жатып.

Шығарған хисса-өлеңім ұнап қатты,
Иығыма қыз әкесі шапан жапты.
“Бос уақытың болғанда, бала балуан,
Ауылға келіп жүр!”- деп жауап қатты.

Қоштасып қыз үйінің жандарымен,
Разы боп ақсақалға алғыс айтып.
Ер салып, қара кокке мінейін дең,
Ат қойған танысыма кеттім қайтып.

Шаһарға сол арада жүріп кеттім,
Келуді содан бастап жиілеттім.
Осылай мені әкеліп жастық желік,
Ішіне тастап кетті ғашық өрттің.

АҚБАҚАЙ

Ат қайда Ақбақайдай шаппай желген,
Қыз қайда құдашадай көзі құлген.
Алыстан ат арытып келгенімде,
Шақыртпай еш адамға өзі келген.

К а й ы р м а с ы:

Ахай-ау, сөулем-ай,
Өзі келген-ай,
Аха-ха-ау, арман-ай.

Мыс та алтын, жез де алтын, алтын да алтын,
Адамда сөз болмайды айтылмайтын.

Сыртынан жүзін көріп қызыққанмен,
Табылмас нағыз алтын, жарқылдайтын.

Қ а й ы р м а с ы:

Ахаяу-ау, сөулем-ай,
Өзі келген-ай,
Аха-ха-ау, арман-ай.

АҚБҰЛАҚ

Күйге бөлеп маңайды,
Асып-тасып жатасың.
Меруерт пен маржанды
Басып ағып жатасың.
Алқарапек аспанға
Шашу шашып жатасың.
Өз-өзіңен ән салып,
Дұманға ылғи батасың.

Қ а й ы р м а с ы:

Қол басқарып жағанда,
Желбіретіп ту алғам.
Алқабында сан жортып,
Майданда талай сыналғам.
Қош, есен бол, Ақбұлақ,
Енді сені көре алман.
Айнала жортып, жағанда,
Баяғыздай жүре алман!

Арудай әсем еркелеп,
Мың бүралған Ақбұлақ.
Атырауға ынтық боп,
Сан сыланған Ақбұлақ.
Сенсіз жерде көнілім
Ашылмайды-ау, Ақбұлақ.
Саған деген құмарым,
Басылмайды-ау, Ақбұлақ.

Қ а й ы р м а с ы:

Қол басқарып жағанда,
Желбіретіп ту алған.
Алқабында сан жортып,
Майданда талай сыналған.
Қош, есен бол, Ақбұлақ,
Енді сені көре алман.
Айнала жортып, жағанда,
Баяғыдай жүре алман!

ШАШБАУЛЫМ

Есіл қайда, Ел қайда, Тобыл қайда
Откір қылыш, жүйрік ат жанға пайда.
Ат сабылғып алыстан келгенімде,
Қарсы алатын құрметтеп сәулем қайда.

Ақ ерке, аман бол сен,
Шыбыным, шыбыным.
Ойналық кел,
Шашбаулым, шашбаулым!

Тәтті сөзің көнілімді кетті басып,
Айта алмадым тар жерде сырымды ашып.
Сен алтынға балаған құрбым едің,
Қоштасайық, кел бермен, құшақтасып.

Ақ ерке, аман бол сен,
Шыбыным, шыбыным.
Ойналық кел,
Сырғалым, сырғалым!

АҚ ЕРКЕ

Ел қайда, туыс қайда, жерім қайда?
Тұлпар ат, қылыш, найза ерге пайда.
Қашқын боп Еділ жаққа кетіп едім,
Жүр екен ғашық жарым қандай жайда?

Қайырмасы:
Мұқашжан, қош, аман бол,
Аяулым, аяулым,
Енді есен бол,
Сырғалым, сырғалым.

Жолықпадық кетерде амандасып,
Отырмадық оңаша сыр сырласып.
Хор қызына балаған сәулем едің,
Қоштаспадық Мұқашжан, құшақтасып.

Қайырмасы:
Еқ еркे, қош-есен бол,
Шыбыным, шыбыным,
Бұл әнді ести қалсаң разы бол,
Хабарлас бол!

Көзіңің айналайын жанарынаң,
Жат жерде үміттімін хабарыңнан.
Не келіп, не кетпейді бұл жалғаннан
Аймалап жатар ма едім тамағыңнан.

Қайырмасы:
Жан сәулем, есен-сau бол,
Шашбаулым, шашбаулым.
Еске ала көр, хабар кел.

АЛҚОНЦЫР

Еркем-ай, дәнекерсің айнадағы,
Шашақсың жалаулатқан найзадағы,
Жаратқан ақ боз аттай сылаң қағып,
Бейуақыт сейілге шық жайна-дағы.

Қ а й ы р м а с ы:
Ахай-ахай, алқонцырдай,
Ән салсаң, ей бозбала,
Сал осылай.

Жазайын ақ қағазға тізілдіріп,
Қалқаға сөз сөйлейін үзілдіріп.
Отырсақ ақ отауда маслихатпен,
Шіркіннің екі көзін сүзілдіріп.

Қ а й ы р м а с ы:

Ахай-ахау, алқоңырдай,
Ән салсан, ей бозбала,
Сал осылай.

ӘЙКЕН-АЙ

Домбыранды, құрбы қыз, қолыңа алшы,
Біз келгендे сызылтып әнге салшы.

Қ а й ы р м а с ы:

Әйкен-ай! Ән шырқайық, кел, кел-ай.

“Сал-серілер келді”, - деп шат көңілмен,
Қалқатай, аттан бізді түсіріп алишы.

Қ а й ы р м а с ы:

Әйкен-ай! Ән шырқайық, кел, кел-ай.

Әткеншекке сен келсөң, мен де келдім,
Қол үстасып тамаша келді көргім.

Қ а й ы р м а с ы:

Әйкен-ай! Ән шырқайық, кел, кел-ай.

Тербелуге айрықша бізді қалап
Замандас деп танысып жүзік бердің.

Қ а й ы р м а с ы:

Әйкен-ай! Ән шырқайық, кел, кел-ай.

ӘЙКЕН-АЙ

(2-түрі)

Құрамды ерді көріп, атқа салдым,
Әйкенжан деп атыңды хатқа салдым.
Аулыңа әдейілеп келген шақта,
Қалайша бері жүрмей, тұрып қалдың?

Қайырмасы:
Әйкен-ай!
Кел, ойнайық, кел, кел-ай.

Есіме түскенінде шаш өргенің.
Алыста көңілімді сан бөлгенім.
Көп айдың көрмегелі жүзі болды,
Жүрмісің, аман-есен көз қөргенім?

Қайырмасы:
Домбыранды құрбы қызы, қолыңа алшы,
Біз келгенде, сыйылтып әнге салшы.
“Сал-серілер келді!”, – дең, шат көңілмен,
Қалқатай, аттан бізді түсіріп алшы?

Қайырмасы:
Жақсы құрбым, Эйкен-ай!
Ән шырқайық, кел-кел-ай.

Қолаң шашын жібектей тарағанда.
Ой түсірдің жігітке қарағанда.
Жерден алтын тапқандай қуанамын,
Әткеншекте тербеліп ойнағанда.

Қайырмасы:
Асыл құрбым, Эйкен-ай!
Тербелейік, кел-кел-ай.

Әткеншекке сен келсең, мен де келдім,
Қол үстасып тамаша келді көргім,
Тербелеуге айрықша бізді қалап,
Замандас деп танысып, жүзік бердің.

Қайырмасы:
Есіл гөзел, Әйкен-ай!
Ән салайық, кел-кел-ай.

Орамалға түйілген жұмбақ жүзік,
Кетпе деген белгін ғой қүдер үзіп.
Уақытты қалқатай пайдаланбақ,
Жүрер құрбың мен емес, көзін сүзіп.

Қайырмасы:
Есіл гөзсл, Әйкен-ай!
Ән салайық, кел-кел-ай.

БОЗШҰБАР

Тұнде мен үйиқтап жатып көрсем бір тұс,
Біздерге ауыр жорық болыпты тұс.
Мәпелеп жүрген аққу ғайып болып,
Соңынан ұшып кетті екі аққу құс.

Боз шұбар аяңға бас алдыңда ел жоқ,
Сусындар шөлдегендеге айна көл жоқ.
Бойынан Ақбұлақтың келген шақта
Қарсы алар Мақпал сыңды қыпша бел жоқ.

Жігіттер, осы сапар болар қатты
Қан қүрең жетегімде ішін тартты.
Боларын қын істің біліп едім
Көштері Мақпал қыздың алыс тартты.

Ақша жүз, жазық маңдай, қыилған қас,
Ат жақты, бота көзді қыз гауһартас.
Қыр мұрын, ерні қызыл бүлдіргендей
Кеткен ғой қолды болып, сол қолаң шаш.

ГАУҺАР ТАС

Ажарың ашық екен атқан таңдай,
Нұрлы екен екі көзің жаққан шамдай.

Анаңнан сені тапқан айналайын,
Күлім көз, оймақ ауыз, жазық мәндай!

Қ а й ы р м а с ы:

Беу-беу, гауһар тас,
Құсни құрдас,
Раушан жүзің көргенде,
Сөулем-ау, сабырым қалмас.

Ажарың ақ түлкідей қашқан құман,
Шолпандай таң алдында жалғыз туған.
Жылы су, қолда құман, қарда орамал,
Жібекпен қызыл тәріс белін буган.

Беу-беу, гауһар тас,
Құсни құрдас,
Раушан жүзің көргенде,
Сөулем-ау, сабырым қалмас.

Басасың аяғынды ыргаң-ырған,
Сылдырап шашбауың мен алтын сырған.
Жай жүріп, шаттанасың өсерленіп,
Әсемсің жүйрік аттай мойнын бүрған.

Қ а й ы р м а с ы:

Беу-беу, гауһар тас,
Құсни құрдас,
Раушан жүзің көргенде,
Сөулем-ау, сабырым қалмас.

ГАУҺАР ТАС (2-түрі)

Ажарың ашық екен атқан таңдай,
Бейне бір қаранғы үйге жаққан шамдай.
Анаңнан сені тапқан айналайын,
Бота көз, қыр мұрынды, ақша мәндай.